



Broj: 13-02/2-11-38263-9/22
Sarajevo, 02.11.2022. godine

Na osnovu člana 12. stav (1) i člana 16. stav (1) Pravilnika o nabavkama roba za potrebe korisnika Javnih kuhinja Kantona Sarajevo broj: 13-02-21013 od 10.07.2015. godine. Zapisnika o otvaranju ponuda od 14.10.2022. godine i Preporuke Komisije za nabavku broj:13-02/2-11-38263-9-1/22. ministrica Ministarstva za rad, socijalnu politiku, raseljena lica i izbjeglice **d o n o s i:**

ODLUKU O PONIŠTENJU

postupka nabavke hrane za dojenčad do jedne godine za potrebe korisnika Javnih kuhinja Kantona Sarajevo

Član 1.

Poništava se postupak nabavke hrane za dojenčad do jedne godine za potrebe korisnika Javnih kuhinja Kantona Sarajevo iz razloga utvrđenih Pravilnikom o nabavkama roba za potrebe korisnika Javnih kuhinja Kantona Sarajevo broj: 13-02-21013 od 10.07.2015. godine, član 12. stav (1), član 14. stav (2) i član 16. stav (1).

Član 2.

Ova Odluka objavit će se na web stranici Ministarstva za rad, socijalnu politiku, raseljena lica i izbjeglice Kantona Sarajevo www.mrsri.ks.gov.ba.

Član 3.

Ova odluka stupa na snagu danom donošenja.

Obrazloženje

Postupak nabavke hrane za dojenčad do jedne godine za potrebe korisnika Javnih kuhinja Kantona Sarajevo pokrenut je Odlukom o pokretanju postupka nabavke broj: 13-11-37642/22 od 28.09.2022. godine.

Tenderskom dokumentacijom je utvrđeno provođenje nabavke sa kriterijom najniže cijene tehnički zadovoljavajuće ponude, te su definisani uslovi za kvalifikaciju.

Procijenjena vrijednost nabavke je: 47.487.30 KM bez PDV-a.

Obavještenje o nabavci je objavljeno u dnevnim listovima „Dnevni Avaz“ i „Oslobodenje“ dana 29.09.2022. godine, te na web stranici ministarstva.

Krajnji rok za dostavljanje ponuda prema obavještenju i tenderskoj dokumentaciji bio je 14.10.2022. godine do 14:00h.

Javno otvaranje ponuda zakazano je za 14.10.2022. godine u 14:30h.

Komisija za javne nabavke, imenovana Rješenjem o imenovanju komisije broj 13-11-37642-1/22 od 28.09.2022. godine, dana 14.10.2022. godine sačinila je Zapisnik o otvaranju ponuda u kojem je konstatovano da je za predmetnu javnu nabavku dostavljena jedna ponuda u krajnjem ostavljenom roku, i to ponuđača JU „Apotheke Sarajevo“ Sarajevo.

Dana 17.10.2022. godine, Komisija u punom sastavu je pristupila ocjeni uslova kvalifikacije predmetne ponude i zaključeno je slijedeće:

1. Vrijednost dostavljene ponude ponuđača JU „Apotheke Sarajevo“ Sarajevo je veća od iznosa procijenjene vrijednosti nabavke.
2. Ponuđač JU „Apotheke Sarajevo“ Sarajevo nije dostavio dokaz da je u posljednje tri godine imao zaključen najmanje jedan ugovor u vrijednosti od minimalno 47.487,30 KM bez PDV-a, koliko je procijenjena vrijednost nabavke, odnosno 55.560,00 KM sa PDV-om.

Obzirom na navedeno, odlučeno je kao u dispozitivu ove Odluke.

POUKA O PRAVNOM LIJEKU: Protiv ove odluke se može izjaviti prigovor Ministarstvu za rad, socijalnu politiku, raseljena lica i izbjeglice Kantona Sarajevo, najkasnije u roku od 7 (sedam) dana od dana prijema iste.

Dostaviti:

- Ponuđač JU „Apotheke Sarajevo“ Sarajevo
- Evidencija
- a/a

